

**Imm. 43:** : Ilisimatusarfimmi Tusagassiornermik Bachelorinnngorniartut atuartinneqarneritigut oqaatsitigut piginnaasat qaffassarnissaasa salliutinneqarnissaannut Naalakkersuisut iliuseqaqqullugit peqquneqarnissaannut Inatsisartut aalajangiiffigisassaattut siunnersuut. Ataatsimut isigalugu kalaallit oqaasiisa atorneqarnerisa ineriartortinneqarnerisalu nukittorsarneqarnissaannut iliuseqarnissami Ilisimatusarfimmi Tusagassiornermik Bacheloritut ilinniarsimasut oqaatsitigut piginnaasaasa qaffatsinnissaat qulakkeerneqassaaq. Kissaatigineqarpoq suliniut ukiut sisamat qaangiussimaleriarpat nalilersorneqassasoq.

**Imm. 125:** Inatsisartut aalajangiiffigisassaattut siunnersuut, tamatumuuna Naalakkersuisut peqquneqassasut sulissutigissallugu, nunatsinni tusagassiuutini kalaallisut oqaatsitta atorluarneqarnerulernissaat.

(Inatsisartunut ilaasortaq Mimi Karlsen, Inuit Ataqtigiit)

#### **Akissuteqaat**

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

#### **Aappassaaneerinninneq**

Naalakkersuisut qujassutigaaq ataatsimiititaliap siunnersuutini taakkunanga marlunnik peqqissaartumik suliarinnissimanera.

Naalakkersuisut maluginiarpaat ataatsimiititaliap imm. 125-imut atatillugu inassuteqaataa Naalakkersuisut siullermeerinninnermi akissuteqaataannut naapertuuttuusoq.

Naalakkersuisullu aamma ataatsimiititaliap oqaaseqaatai, aamma ikinnerussuteqartut oqaaseqaataat tusaatissatut tiguaat.

Naalakkersuisut imm. 43-mik siullermeerinninnermi akissuteqaammi nalunaarutigaaq naalakkersuinermik suliaqartunit akuliuffigineqannginnissamik Ilisimatusarfik pillugu inatsimmi aalajagersagaq tunngavigalugu periarfissaqanngimmata aalajangiiffigisassatut siunnersuut naammassissallugu, inassutigalugulu itigartinneqassasoq. Naalakkersuisulli ilutigisaanik nalunaarutigaaq Naalakkersuisut ingerlaavartumik ilinniagaqarnermik ingerlatsiviit oqaloqatiginerisigut oqaatsit ilinniartitaanerni tamani pingaaruteqarluinnarnerannik, tamatumani aamma tusagassiortunngorniarluni ilinniartitaanermi, aammalu Naalakkersuisut taamaasillutik siunnersuummi siunertaasoq malersoqqinniarmassuk, inatsisini aalajangersagaasut iluanni.

Ataatsimiititaliap imm. 43-mut isumaliutissiissummini erseqqissarsimavaa, ataatsimiititaliap imm. 43-mi taasinissami sammisaq imatut paasigaat iliuseqarnissap qanoq ittuunissaa Naalakkersuisut kiffaangissuseqarfigigaat inatsisit atuuttut iluanni, suliniutit siunnersuummi tunngaviusut siunertaasullu sinnerisa iluanni naammassineqarpata. Tamatumunngalu

ilaliullugu nalunaarneqarpoq suliniutit tassaasinnaasut Iisimatusarfimmik oqaloqatiginninneq, Iisimatusarfiup nammineertuuneranik ataqqinnilluni ingerlanneqartoq. Ataatsimiititaliami amerlanerussuteqartut taamatut paasinnillutik siunnersuutip akuersissutigineqarnissaa inassutigaa. Ikinnerussuteqartut – tassaasut demokraatit – inassutigaa siunnersuut itigartinneqassasoq, tunngavilersuutigalugu naalackersuineramik suliaqartunit akuleruffigineqannginnissamik qimatsinerussasoq akuersineq, aammalu Iisimatusarfiup ilinniartitaanerit ingerlanneqartussat nammineq aaqqissuuttussaagai.

Iisimatusarfiup maanna ilinniartitaanermik aaqqissuussinermi tusagassiornermi bachelorinnigorniarluni ilinniartitaanermi oqaatsit annertuumik sammisarereerpai. Taakkua ilaapput ilinniagassani tusagassiornermi sullivik, ilinniakkat ilinniagaqartut sungiusartsittarmagit oqaatsinik atuinermik, tusagassiornermilu oqaatsinik atuinermi ilisimasassanik, ilinniagaqartoq paasinnissinnaalersillugu oqaatsit sunnuteqarluartut suunerinik, aammalu taakkua qanoq tusagassiutini atorineqarnissaannik. Oqaatsit pingaarutilittut sunniutaat atugaanissaallu taamaasillutik ilinniartitaanermi tamakkiisumik inissisimareerput.

Erseqqissaatigalugu naalackersuineramik suliaqartuniit akuleruffigineqannginnissamik aaqqissuussineq ataqqineqartoq, Inatsisartut Iisimatusarfik pillugu inatsimmik akuersissuteqarneranni tunngaviusut pingaarutaat taakku pillugit, Naalackersuisut Iisimatusarfimmik oqaloqateqarneq aallartissavaat, siunnersuummi siunertaasut qanoq siuarsarneqarsinnaanerit eqqarsaatigalugu.

Ataatsimiititaliap isumaliutissiissummini paasinninnerat tunngavigalugu Naalackersuisut siunnersuutip akuersissutigineqarnissaa inassutigissavaat.